

白喉捷要提要

清·張紹修著。紹修字善吾。湖南瀏陽人。書爲同治三年刻成。張氏之著。對于白喉一症。頗多獨具之見解。彼因湖南地氣卑濕。天時寒燠不齊。所患白喉。尙有時毒性。與他處白喉受病原因不同。主宜辛涼透解。其言甚是。實則白喉熱多寒少。本不宜辛溫發散。雖他處亦斷不能以養陰清肺湯二方。便能盡治變化百出之白喉也。

白喉之證。古書無聞。近年閩中
患者頗夥。醫者不知其受病之源。
妄立方藥。服輒不起。更有秘傳吹
藥。間獲小效。而又摸索垂直。立
視其死。忍矣。己巳余以如患是疾。吳
君香泉治之。痊。次年復發。則却
君惟恒命。杏農內外並治。惟恒則

禁服內藥。東收尤速。二君皆樂於
活人。而勤於傳方。則均不能無侯。去
歲供職京師。偶於內秘龔子岡比
部案頭見是編。子岡云。京師比年以
洩痢盛行。是書出。按方而治。多愈
者。余不知醫。而就其言。似藪堦之中
理。恆歸以視醫門彙清渠。方伯。

清渠樂善君子。凡可以濡人者靡
 不为。而翻錄是編。以廣其傳。因囑
 余述其緣起如此。同治壬申春正
 月中。澣閩縣王崧辰志。



白
喉
捷
要
序

四

序

施藥不如傳方。口傳不如筆授。然有可傳之方而未敢自信。則不傳。自信矣而未共信。亦不傳。張善吾之治白喉也。博覽醫書。而復深以閱歷。所遇危險之症。皆能立起沈痾。信可傳已。况當時疫流行。其方可傳而不傳。安能以善吾一身。化爲千萬身。而普濟於世。常君僊珊深明歧黃術。偶患此症。甚危險也。服善吾藥。信任甚專。而果收其效。病痊後。取其所編之方。捐

賞付梓。以廣傳於世。普濟於時。蓋身親驗之而益信之也。故以此傳。

時同治三年甲子花朝湘西黃昌鳳瑞菴氏序於酌雅書屋

序

救世難矣。壽世尤難。自壽難矣。壽人尤難。壽人之道。醫其一也。醫之列科。喉其一也。喉科中復有白喉一証。不見於古方。不傳於今世。殺人尤烈。吾嘗欲起歧伯而問之。列方救世。且災梨以壽世久矣。願猶虛也。近吾郡之治白喉者不乏。往往自許扁鵲。人頌華佗。卒無良者。此而欲救世得乎。猶奉爲秘傳。以自神其術。問壽世果無愧乎。瀏陽茂才張善吾專習此業。吾

初未聞其名。然城廂每多獲其救。共知其良也已久。白喉者。昔無是說。道光中盛行於江浙。近日湖以南時有之。病者苦無良醫。十難痊一。醫者苦無良法。亦十難救一。邑之陳雨春先生。獨得秘訣。哀民命。惜生靈。曾刻白喉嚨證論一篇在世。世卒鮮有信者。同治癸亥冬。余來會垣。偶出探親。適聞周丈堯階得此症。頗劇。飲善吾藥就痊。吾由是始聞善吾之名。自顧羸弱。數膺喉痛。竊歎世無良醫。或有之余未能遇。遇之

初無由知。茲聞善吾名。不可不一見也。他日有緣往拜。得聞所欲聞。兼治痼疾。大是快事。願未果。喉驟痛。覽鏡白點瑩然。驚極。因向周丈轉致善吾。明日善吾果至。卽視之。洵所謂白喉也。出刀圭吹之。又贈少許。傳飲藥秘方。囑連飲三帖。諛諛再三。約明日自至。始去。余由是始識善吾之面。余善病。頗解藥性。屢求醫。得藥不敢率嘗。茲獲善吾方。頗然之。三帖畢。初無補。翌日善吾自來。又更一方。仍飲三帖。余亦無疑。此後

善吾日必來。來必更一方。方必飲三帖爲度。飲至七日。白未退。痛轉劇。家人憂甚。愛吾者咸有所薦。余未敢信。善吾問而知之。喜甚。又三日。病竟痊。計飲涼藥凡三十二帖。余由是始知善吾之技。是日余稍可。相見欣然。甫坐定。卽叩之。善吾因言。自吾治此症已近十年。飲無僻藥。吹無奇方。經余治者。未有不起。但恐誤飲禁藥在先。久病入膏肓。信未堅。此三者耳。又曰。此症初起。類傷寒。誤投表劑。或多用硝黃。敗矣。又曰。

此證有四。有火毒內甚而白者。此爲疫症。有由蛾風治之不善。久而變白者。此爲風症。有無惡寒發熱。喉內起白皮。隨落隨長。此爲虛寒。有陰虛咽喉。久而成白者。此爲癆症。疫症殺人最速。且多傳染。宜急治之。風症症異治同。宜敗毒去風清火。表不治補死。瀉危。常用吹藥。或恃鍼灸。均危。虛症宜附桂。癆症宜熟地。誤危。別有喉癰。治同疫症。前周堯階所患者是也。此皆古方書所論未及。至善吾一旦盡發之。余由是悉

聞善吾之所言。善吾來余寓。見益密。交益深。知無不言。言無不盡。竟成莫逆。醫以外旁論及詩書世道家庭。及少時從師取友諸事。因轉以家星橋梁繁兩兄問。余詢其故。始知皆昔年窗友。此余與善吾固新交而兼舊誼者也。余告以星橋去世。不勝欷歔。梁繁見來郡。急詣往見。時治筵爲招之一見難捨。余由是始知善吾之心。酒酣。余請就學所治白喉諸症。善吾唯唯。不讓亦不拒。連飲數觥。始向余言曰。吾之學治此

症也。經明師數人矣。而復旁搜醫籍。閱歷有年。既不
敢矜其奇。又何敢私其術。子欲得吾悉語。子吾已傳
數人矣。惟藉此求金者不傳。語汝。吾何患焉。遂談及
諸症。授以諸方。余始恍然於白喉之症。且驚且喜之。
不盡也。重爲之請。與僅傳之於余。曷若傳之於世。以
救斯世。且壽萬世。其爲功大而能久也乎。善吾然之。
今年春。余復進省。彙稿屬余。余由是深服善吾之見。
急付剞劂。以成善吾之美。又從而歌之。歌曰。名以聞

徵兮。人以面徵。行以技徵兮。德以言徵。性以心徵兮。
識以見徵。徵之古今兮。善吾是徵。是爲序。

同治三年歲在甲子仲春月清明前一日

世愚弟長沙常麟僊珊頓首拜撰

專治時疫白喉嚙症論

湖南長沙府瀏陽縣張紹修善吾氏謹著

白喉有時疫一症。其發有時。其傳染甚速。其症至危至險。治者每多束手無策。修考之諸書。臨症日久。竊以爲其治有十難焉。昔陳雨春先生論云。此症乃足三陰受病。傳之於肺。似與他經無涉。其有兼及他經者。皆后之傳變者也。何者。此症初起。舌微硬。胎黃。頰頰微腫。及至潰決。舌腫短而硬。懸雍垂腫。甚喘渴心

煩。夫十二經中。惟太陰之脈。上膈挾咽。連舌本散舌下。少陰之脈。循喉嚨挾舌本。厥陰之脈。循喉嚨之後。上入頰頰。下絡舌本。凡病此者。兩關及左尺脈多沉數而躁。以此觀之。病屬足三陰明矣。時未傳及他經。不察其源。治以他經之藥。其難一也。大抵其症初起。惡寒發熱。頭痛背脹。精神倦怠。遍身骨節疼痛。喉內有極痛者。有微痛者。初無形迹可見。似傷寒傷風表症。若投以麻桂細辛羌防升柴蘇葉之類。致毒渙散。